

Mariae Virginis Sacratiss. Miraculorum Libri Tres

Vismara, Ercole

Mediolani, 1579

Mirac. Virg. XXXV. Pax inter duos coenobitas, quorum alter acerbum
odiu[m] exer cebat, alter pro aduersario Deum orabat, Virginis
prouidentia, componitur.

[urn:nbn:de:hbz:466:1-64305](#)

MIRAC. VIRG. XXXV.

Pax inter duos coenobitas, quorum alter acerbum odiū exercebat, alter pro aduersario Deum orabat, Virginis prouidentia, componitur.

Intra duos Cisterciensis aderant quaedam similitates. alter eorum non modò nō ira flagrabat; sed etiam pro aduersarij salute quotidie Deum deprecabatur. aduersarius autem, quo in illo clariora benevolentiae signa apparebant, eò acerbius odium exercebat; quod minimè unquam leniebatur. Quin immò; ut eum grauius ulcisceretur, innocentem falsa accusatione & turpissima reū agere, ausus est. Quam obrem accusatus innocens, defensionis suaē robur in disertissima aduocata, Dei parēte, positum habebat. Fortè autem dum noctu in templo unā cum alijs Deum precaretur; falsae accusationis cogitatione animum ab instituto abduci finebat. Longè igitur ab alijs in remotissimum facellum secessit; ubi ante Virginis simulacrum prostratus eius opē flens, ac dolore se interimens exposcebat. Interim ipsa lux alma pietatis, nullam moram interponens, sole splēdidior, ē dextra facelli partē ad monacum propius uisa est accedere, & eius dolorem lenire. Propè ipsam aderat iuuenis, cuius decora erat, ac coelestis facies. Hunc, cùm aspera in cruce, effuso innocēti sanguine, Christus mortem crudelissimam obiret, apud ipsam piā matrem filij parteis uoluit obtainere. Virginē. n. matrem uirgini adolescenti commendauit. Erat ille

D.Ioan-

LIBER PRIMVS.

59

D. Ioannes, qui altè coelestia arcana uestigauit, qui praeclarè ea assècutus est. Dū uero sanctissimæ triadis, ut semper fieri solet, in precationum extrema parte, in templo precantes gloriam referrent; Virgo, & iuuenis se submiserunt. illa. n. uerba honore prosecuti sunt, non aliter, ac soleant disciplina christiana bene imbuti; cùm illa uel in templis, uel in publicis supplicationib., aut statis sacrificijs exaudiunt. Conuertens autem Virgo se ad miserum dolore diuulsū, eius moerorem illis uerbis leniuit, quib. coelum admirabili laetitia totum solet triumphare. Scire ipse studebat, cur ipsa & adolescens Virgo auditis illis verbis; GLORIA patri, & filio, ea tantopere uenerati fuissent; at ipsa dixit, non esse cur eam ob rem afficeretur admiratione. Nam quoties, inquit, in terris trini numinis potestatem, & gloriam mortales memorant, toties coelestes, ac coelestia omnia ultrò ad eius laudes memorandas, dulci concentu ferri solent. Hic dicendi fine facto, statim abiit, suauissimo odore tem plum replens. eius suavitatis non expers inuidus accusator, qui à pio uiro capitali odio prius dissidebat, & sentiens. è Virgine, diuinum illum odorem prouenisse, se se statim collegit, & innocentem falsò à se accusatum fuisse, confessus est. Summo manè, cum certi omnes de admirabili illo odore inter se loquerentur, eius cauam ignorantes, ad praefectum pius, & integer monacus properat; & quac noctu in recondito facello uiderat, audiueratq., omnia diligentissimè exponit. Obstupescerat praefectus, uixq. ad ea credenda poterat adduci. Interim autem ipse falsus accusator aduenit, misericordiam obsecrāns, criminisq.

H 2 falsi-

falsitatem, & suspicem accusationem liuore, & odio à se institutam dicens. Cur tam facile ille rectam uiā iniuiisset, misabatur praefectus nesciēs, unde tam repentina mutatio proueniret. Tunc ait ille, & ego coelestis illius odoris particeps fui, qui in cor meum mirifica illa suavitate ita penetrauit; ut malevolentia, & odium statim in benevolentiam, & ardentissimū amorem conuersum fuerit. Quamobrem ad illud facellum, ubi ea uisa fuerant, praefectus cum coenobij antiquorib. properat; omniaq. adhuc mirabilem illum odorem suauissime afflare perspexit. Re ipsa aperte uisa, lapides illos qui coelestem odorem afferebāt in abditissimum sacrarium recondi ius sit. lapidib. autem maior religionis dignitas inerat, quia pressi, & tacti fuerant à sanctissimis illis Virginis pedib. Ideò perpetua eius miraculi memoria, ab omni posteritate, semper maximo cum triumpho excepta est.

MIRAC. VIRG. XXXVI.

Virgo desperantem clericum confirmat, eidem os, & linguā rabie quadam morbi ferè diuulsam curat; quia saepe ab eo consueuerat laudari.

Clericus, quia maximè diuitijs affluebat, mundi illecebris ualde erat deditus. Illud tamen in ipso maximè laudandum erat, quia ubi templum aliquod adibat, statim incredibili obseruancia, illis uerbis uirginem salutabat, quib. aeterni regis nomine, à coelesti nūcio salūtata fuerat. Deinde uero se ad filium conuertebat, beatam dicens castissimā aluum,